



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11-30780-4/25
Sarajevo, 17.11.2025. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“, broj 35/05), Odluke Vlade Kantona Sarajevo o usvajanju Programa utroška transfera neprofitnim organizacijama i pojedincima utvrđenih Budžetom Kantona Sarajevo, razdjel Ministarstvo za boračka pitanja za 2025. godinu („Službene novine Kantona Sarajevo“, broj 22/25), člana 17. i 18. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22, 21/24 i 10/25) i člana 23. stav 1. Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), te Javnog poziva broj: 06-11-30780/24 od 02.06.2025. godine, ministar za boračka pitanja donosi

ODLUKU

o prihvatanju projekata i odobravanju sredstava za projekte pisane riječi sa tematikom iz perioda odbrambeno-oslobodilačkog rata 1992.-1995. godine za 2025. godinu

I

Odobravaju se sredstva za finansiranje i sufinansiranje projekata pisane riječi sa tematikom iz perioda odbrambeno-oslobodilačkog rata 1992.-1995. godine za 2025. godinu kako slijedi:

	NAZIV UDRUŽENJA/ AUTORA-POJEDINCA	IZNOS
1.	UDRUŽENJE “BORCI-VETERANI 102. MOTORIZOVANE BRIGADE”	
2.	UDRUŽENJE “1. SLAVNA – VITEŠKA BRIGADA” SARAJEVO	
3.	UDRUŽENJE BORACA “CRNI LABUDOVI”	
4.	UDRUŽENJE “PRAVDA”	
5.	SADETA ŠAHMAN	
6.	MIRSAD CVRK	

7.	MUNIR ALIBABIĆ	
8.	AGO MAHMUTAGIĆ	
9.	AMIR KLIKO	
10.	HAJRO TOPALLOVIĆ	
11.	MUHAMED SMAJIĆ	
12.	ALMIR GRABOVICA	
13.	ELMIRA MEKIĆ	
14.	ESET MURAČEVIĆ	
15.	DŽELAL IBRAKOVIĆ	
	UKUPNO	65.500

Ostali kandidovani, a ne navedeni projekti nisu podržani zbog nepotpune, neblagovremene ili neuredne prijave, ili zato što nisu imali pravo učešća

II

Ministarstvo za boračka pitanja Kantona Sarajevo zadržava pravo da umanjí ukupni iznos odobrenih a nedoznačenih sredstava u slučaju nedovoljnih prihoda u Budžetu Kantona Sarajevo za 2025. godinu, u kom slučaju bi bila donesena odgovarajuća odluka.

III

Sredstva iz tačke I ove odluke terete zbirnu poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN029 „Tekući transferi za očuvanje tekovina OOR 92-95 i NOR 41-45“ – program DAN0292 „Projekat "Opsada i odbrana Sarajeva 92-95" (skupštinska Odluka 01-05-12123/06 od 23.03.2006.)“, a uplatit će se na račun navedenih udruženja i autora pojedinaca nakon potpisivanja ugovora.

IV

Sredstva iz tačke I Odluke se doznačavaju uz potpisivanje ugovora o realizaciji sredstava odobrenih za podršku projektima pisane riječi sa tematikom iz perioda odbrambeno-oslobodilačkog rata 1992-1995. godine, za 2025. godinu, kojim su definisani elemetni bitni za realizaciju, izvještavanje, nadzor i druga pitanja i navedena udruženja/autori - pojedinci su ih dužni utrošiti u skladu sa ovom Odlukom, potpisanim ugovorima, te u skladu sa pozitivnim propisima iz ove oblasti.

V

Korisnik se obavezuje da podnese izvještaje o realizaciji projekata i namjenskom trošenju sredstava shodno propisanim obrascima Ministarstva za boračka pitanja Kantona Sarajevo i to:

Obrazac finansijskog izvještaja o utrošku sredstava (Obrazac FI 56) i Obrazac opisnog (programskog) izvještaja o utrošku sredstava (Obrazac PI 46). Izvještaj mora minimalno sadržavati priloge navedene u Obrascu FI 56 tačka 4, a prema potrebi i druge dokumente u skladu sa pozitivnim propisima (originali ili ovjerene kopije).

Ministarstvo zadržava pravo da u cilju praćenja i nadzora nad utroškom budžetskih sredstava zatraži podnošenje privremenog ili periodičnog izvještaja, odnosno dostavu specifičnog izvještaja po projektima, vrsti troškova i drugo tokom realizacije ili nakon okončanja iste, naročito kod projekata sa dužim rokom realizacije.

VI

Nadzor nad utroškom doznačenih sredstava iz tačke I dispozitiva ove Odluke vrši Ministarstvo za boračka pitanja u skladu sa odredbama Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22, 21/24 i 10/25) i Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22).

VII

Nije dopuštena prenamjena odobrenih sredstava bez pismene saglasnosti Ministarstva za boračka pitanja, a u slučaju odustajanja od realizacije korisnik sredstava je dužan o okolnostima obavijestiti Ministarstvo za boračka pitanja i postupiti shodno dobivenoj instrukciji.

VIII

Članom 6. stav (2) Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 31/22, 8/24 i 13/25) propisano je da se dopunska prava ostvaruju u skladu sa raspoloživim budžetskim sredstvima. Također, Zakonom o izvršavanju Budžeta Kantona Sarajevo za 2025. godinu („Službene novine Kantona Sarajevo“ broj 13/25) u članu 8. precizirano i da „Budžetski korisnici ne mogu stvarati obaveze iznad iznosa odobrenog operativnog budžeta putem operativnih planova za tog budžetskog korisnika“.

Obzirom na navedeno ova Odluka će se realizovati u skladu sa odobrenim operativnim budžetom, odnosno sredstvima stavljenim na raspolaganje Ministarstvu za boračka pitanja Kantona Sarajevo od strane Ministarstva finansija Kantona Sarajevo, te ukoliko iz nekog razloga sredstva ne budu osigurana, ova Odluka može biti stavljena van snage, pri čemu će biti donesen odgovarajući akt.

Obrazloženje:

Na osnovu objavljenog Javnog poziva za podršku projektima pisane riječi sa tematikom iz perioda odbrambeno-oslobodilačkog rata 1992-1995. godine za 2025. godinu broj: 06-11-30780/24 od 02.06.2025. godine, udruženja/autori-pojedinci iz tačke I dostavili su svoje upotpunjenje zahtjeve.

Na osnovu uvida u dostavljenu dokumentaciju i kandidovane projekte, odnosno nakon razmatranja svih ocijenjenih prijava, na web stranici Ministarstva objavljeni su Rezultati Javnog poziva broj: 06-11-30780-2/25 od 03.09.2025. godine. Nakon objave nije bilo uložениh prigovora, stoga je Komisija na osnovu konačnih rezultata donijela Preporuku za prihvatanje projekata pisane riječi sa tematikom iz perioda odbrambeno-oslobodilačkog rata 1992-1995. godine za 2025. godinu, te su podržani projekti sa iznosima navedenim u tački I dispozitiva.

Navedena udruženja i autori-pojedinci su obavezni odobrena sredstva utrošiti namjenski uz pridržavanje svih pozitivnih propisa iz ove oblasti te dostaviti odgovarajuće izvještaje.

Udruženja i autori-pojedinci koji nisu pripremili zahtjeve u skladu sa zahtjevima javnog poziva, tj. čije prijave su evidentirane kao nepotpune, neblagovremene i neuredne nisu uzete u razmatranje, odnosno iste su odbijene, te u skladu sa odredbama Uredbe o dodjeli transfera neprofitnim organizacijama i pojedincima iz Budžeta Kantona Sarajevo u roku od 15 dana su pismenim putem obavješteni o razlozima neprihvatanja prijave.

Kako su u Budžetu Kantona Sarajevo za 2025. godinu na odgovarajućoj budžetskoj poziciji i u okviru prihvaćenih Programa utroška, planirana sredstva za podršku programima i projektima pravnih i fizičkih lica koja njeguju tekovine odbrambeno-oslobodilačkog rata, riješeno je kao u dispozitivu Odluke.

